

<?xml version="1.0" ?>			
<?xml-stylesheet type="text/css" href="home.css"?>			
<Doc id="bod-w-media-	BD00011	"	lang="Bodo">
<Header type="text">			
<encodingDesc>			
<projectDesc>	CIIL-Bodo Corpora, Monolingual Written Text		</projectDesc>
<samplingDesc>	Simple written text only has been transcribed. Diagrams, pictures, tables and verses have been omitted. Samples taken from page 1-9		</samplingDesc>
</encodingDesc>			
<sourceDesc>			
<biblStruct>			
<source>			
	<category>	Aesthetics	</category>
	<subcategory>	Literature-Biographies	</subcategory>
	<text>	Book	</text>
	<title>	mEMnO rOng'imAvathi jOhOlAva- satIsha candra basumatArI	</title>
	<vol>		</vol>
	<issue>		</issue>
</source>			
<textDes>			
	<type>		</type>
	<headline>		</headline>
	<author>	dimabEshvara nArajArI	</author>
	<words>	926	</words>
</textDes>			
<imprint>			
	<pubPlace>	India-Kokrajhar	</pubPlace>
	<publisher>	baDa' pAblikEsana barDa	</publisher>
	<pubDate>	1993	</pubDate>
</imprint>			
<idno type="CIIL code">			</idno>
<index>			BD00011 </index>
</biblStruct>			
</sourceDesc>			
<profileDesc>			
<creation>			

	<date>	25-Jan-2006	</date>
	<inputter>	Tumpa Dattagupta	</inputter>
	<proof>	Bridul Basumatary	</proof>
</creation>			
<langUsage>		Bodo	</langUsage>
<wsdUsage>			
<writingSystem id="ISO/IEC 10646">Universal Multiple-Octet Coded Character Set (UCS). </writingSystem>			
</wsdUsage>			
<textClass>			
<channel mode="w">		print	</channel>
<domain type="public">			</domain>
</textClass>			
</profileDesc>			
</Header>			
<text><body>			
<p>	बांला 1308 माइथाइनि स्राबन दानाव ग'वालपारा जिल्लानि क'कराझारनि सिडाव थानाय भालुकमारी गामीयाव बिथाडा जोनोम मोनो। “आंनि बैसोया दा 73 बोसोर पुरा जाबाय, दिन अक्त'खौ आफाया खिन्थालांनो हायाखै-” होन्नानै थांनाय बा फाल्गुन बांला 1380 माइथायाव गावनि न्व'आव आंनि सिगाडाव गावनि खुगाजॉनो बुंदोंमोन।		</p>
<p>	दिनै बांलानि 1383 माइथाय आरो बिथांनि जोनोमा 1308 माइथाय। गोसोजॉ गोसो खांब्लाबो मोनदां हाया हाया मोनो। बे समाव गुफुरसा फोरा (इंराज) आसामावबो माग्लोबफैबाय। गुफुरसाफोरनि राइजो खुंनाइनि सम। गुफुरसाफोर राइजो खुंनाइनि समाव बिथांनि बिफाआबो सासे मौजादार मोन। बिफानि मुडा जादों ँठान्दाराम बसुमतारी आरो बिमानि मुडा ँखौलौ बसुमतारी। बिमा 'खौलौ'आ 'गाज्जा' होन्नानैबो गाबज्जि जानायमोन। दानि क'कराझार आरो ग'साइगाव आजसलिक पन्सायतनि गोबां ओन्सोला बिथांनि मौजादारीनि सिडाव गोग्लैयोमोन। 'रिपु मौजा' आरो 'सिरां मौजा'आ बै समाव बिथांनि मौजादारीनि सिडावमोन। मौजादारी मोन्नायनि लोगो		</p>

	<p>लोगो मानिनां मौजादार ँठान्डाराम बसुमतारीया भालुखमारीनिफ्राइ दानि 'देबरगामीयाव न' गायसन फैनानै मौजादार हाबाखौ खुंफैयो। देबरगामीयाव फैनानै समाव ँसतीश बसुमतारीआ दद्रे-दे आब्रा गथ'सा।</p>	
<p>	<p>नाथाय मानो? बे सौंनाइनि फिन्नायावनो दड' बिथाडनि जीउनि गोनां राव। जायफोरखौ बिथाडा गावनि जीउवाव गावनि हाबा फारिजों दिन्थिलांनो नाजादोंमोन। बे समाव महात्मा गान्धी चित्तरन्जन दास आरो भारतनि गोबां सानसुमा फिसाफ्रा कंग्रेस जातीय दोलोनि गेजेरजों भारतनि उदांसीनि थाखाय जाय जेरै हागौ गुबुन गुबुन खामानियाव मदत आरो हेफाजाब होनांगौ होन्नानै गाबज्रियो, हांखाइयो। बे गाबज्रिनाइखौ आसामनि मानसिफ्रा खोनायो आरो गुबुन गुबुन खामानियाव हेफाजाब होयो। बे गाबज्रिनाइखौ बर' फिछाफ्राबो खोनादोंमोन। बर' फिसा मानिनां ँसतीश बसुमतारीयाबो। बिनि थाखायनो इंराजी 1920 मायथायनि उनाव आरो लेखा फरा खालामनाय जायाखिसै। आइ, ए, नि फाइनेल आन्जातखौबो आन्जात लानाय जायाखिसै। लेखा फरा नागारनानै Non-Cooperation Movement (असहज'ग आन्द'लन) आव बारसोम गारासै आरो बिब्दिनो भारतनि उदांसीनि थाखाय, हादाबनि मानसिफोरनि मोजांनि थाखाय हाबा मावनो आगान सुरजेनासै। इंराजी 1920 माइथायनि दिसेम्बर दानाव फरायनायखौ नागारनाइनि उन बोसोर 1921 माइथायनिफ्राय 1923 माइथाय सिम बिथाडा "कचुगाव फरेष्ट रिजार्भ" सिडाव बसबास खालामनाय मानसिफोरनि मोजांनि थाखाय हाबा मावनो नाजायो। बे समाव 'बेगारी खान्थिआ जोबोरैनो जाफुंसार थारमोन आरो फरेष्टनि मानसिफोरखौ मौछौ सैमाबादि आखु खालामनाइ जायोमोन। बिनि 'बेरेखा' खालामनो थाखाय सोमावसारनायाव बिथाडा बे समनि इंराज खुंगिरिनि</p>	</p>

	मेगनाव गोग्लैयो। बिथांनि नाजानाइयाव फरेष्टनि मानसिफ्रा जोबोर आगोर मोनदों होन्नानै दाबो मानसिफ्रा बुडो।	
<p>	बिथाडा इंराजी 1923 माइथायाव मुस्त्रीमा हाजारी बसुमतारीजों हाबा जायो। गथ' गथायनि मादाव हौवासा सानै ७अमिय बसुमतारी, मुस्त्री प्रसन्न कुमार बसुमतारी आरो हिन्जावसा साथाम ७रानी बसुमतारी, ७मिछि बसुमतारी आरो मुस्त्रीमा मन्जुलता बसुमतारी।	</p>
<p>	“आय' मेंनो रोडै मावसुला?... बर' गिदिद ज'थुम्मा गाइस'न नायनि गेजेरजों गोदोलांनाइ हरिखौ बोखांनो नोंसोर जीउयै माहामै माब्रै नाजाबोया बेखौ बइबो बर' फिसाफ्रानो मोनथिगौ। ट्राइबेल लीग दानानै राजखान्थि आरो माहारिनि लामायाव बे हारीखौ माब्रै फसंनो नाजाबोया बिनि खौराडाबो बयनिबो गोसो सिडाव गोज्बों दड। दिनै जीउनि बेलासे समावबो नोंनि बे मावनाय, बे नाजानाया जोबाखे जों बाख्नायो जोहोलाव नोंनि बे मेंनो रोडि आरो बानो रोडि मावसुला आखुखौ... ...’	</p>
<p>	बेफोर बादि रावजों ‘क’कराझार जिल्ला बर'थुनलाइ आफादया बिथांखौ बाख्नायो इंराजी 1973 माइथाय, 14 जानुवारी-बल्लाम गुरीआव ज'थुमनाइ बोसोर गाब्रै ज'थुममायाव।	</p>
<p>	फरायसा समानिफ्राइनो बिथाडा सासे मोजां मावथिमोन। बे समनि “आसाम बर' छात्र सन्मिलन’या बिथांमोनहानो गायसन्नाय। गावि रावयै : इंराजी 1919 माइथायाव आं कलेजाव थानाइ समावनो ‘बर' छात्र सन्मिलन’खौ गायछन्नाय जायो। बिनि सिगां नेहाथारीया –रुपनाथ ब्रह्म मोन। बर' छात्र सन्मिलननि गिबि ज'थुम्माया जादोंमोन ‘क’कराझार गुदि गौजौ (Kokrajar Upper Primary) फरायसालीयाव। आफातगिरिया जादोंमोन डिब्रुगरनिजदुनाथ दास बिथाडा उनाव ‘खाख्लारी’ उपाधि लायो।	</p>

<p>	<p>नैथि ज'थुम्माया जादों- पुठिमारी एम, भि, स्कुलाव आरो थामथि ज'थुम्माया जादों- टिपकाइ एम, इ, स्कुलाव। आंहा आरो बिनि बांसिन गासोयाव गैलिया।”</p>	</p>
<p>	<p>बांला 1332 माइथायाव ‘बर’ सात्र सन्मिल’ननि 7थि (Seventh) बोसोरसालीया जथुम्मा कामरुप जिल्लानि इ, बि, रेलवये गोजौ फरायसाली याव (रडिया रेल ष्टेचननि खाथि) आव जायो। लोगोसे ‘बर’ गिदिद ज'थुम्मानि गिबि (First) ज'थुमनाइ जायो। बे ज'थुमनाइनि आफादगिरिया जादोंमोन जदुनाथ खाख्लारी आरो अधिबेसन खु'नाइनि हाडस्राय आफादआव दड'मोन ँरबि चन्द्र कसारी आरो ज'गेन्द्र कसारी। आरो लोगोसे दंबावयोमान शम्भु उजीर, ग'पाल उजीर दुर्गा मौजादार आरो सोरबा सोरबा। ‘बर’ महा सन्मिलन’नि नै-थि ज'थुम्मानाइया जादोंमोन ग'वालपारा जिल्लानि धुबुरी महकुमानि भावरागुरी होन्नाय मोनसे गामियाव। थाम-थि ज'थुमनाइ जादोंमोन। बडाइगामीनि साहा रौमारि दोहोरोमसालीआव। लोगोसे “आसाम बर” छात्र सन्मिलन’नि 10 (Tenth) जथुमनायबो बहायनो खुंनाय जायो। बेयो जादों बांला 1336 माइथाय आसिन दाननि बाथा।- “बे जथुम्मनायनि आफादगिरिया जादोंमोन ँअम्भिकागिरि रायचौधुरी आरो लोगोसे फैदोंमोन नीलमणि फुकन आरो तेजपुरनि महादेब शर्मा” ँबसुमतारीया आंनि सिगाडाव बुंनाय राव।</p>	</p>
<p>	<p>मानिनां बसुमतारी बिथाडा बे जथुम्माखौ जोबोर गोनाइथि होन्नानै बुडो आरो बे जथुम्मायाव नुजाफैनाइ मानसि फोरनि मुडखौ राइखाडो। बहाय बसुमतारीनि राववै बुडा बालानो ँरुपनाथ ब्रह्मनि रावजौ बुडनाय जाबाय। “आफादआव नुजानाय माखासे मानगोनाइ फोरनि गेजेराव स्रीजुत कालीचरण ब्रह्म, स्रीजुत कातिमल ब्रह्म, स्रीजुत नरपति चन्द्र बसुमतारी, स्रीजुत</p>	</p>

	<p>बेलबुराम चर्दार बाहादुर, श्रीजुत करेन्द्र नारायण ब्रह्म मण्डल, श्रीजुत ग'पाल चन्द्र उजीर, श्रीजुत जादब चन्द्र खाखलारी, श्रीजुत बलिचाँद देब काज्जि, श्रीजुत सतीश चन्द्र बसुमतारी श्रीजुत मालसिं ब्रह्मा, श्रीजुत दीनानन्द स्वामी, श्रीजुत अद्वैतानन्द स्वामी आरो श्रीजुत शयामाचरण ब्रह्मा, श्रीजुत बनबाछु कसारी बिथाड मोनहा मुडख'जाथाव।" आसाम बर' छात्र सन्मिलनर कार्यर बिबरणी' (रौमारी जि-थि जथुम्मा) निफ्राइ मोन्नाय।</p>	
<p>	<p>बिनि उनाव 1942 माइथायनिफ्राइ 1945 माइथायनि आगष्ट दानसिम सेरफांगुरी तहसिल अफिसाव तहसिल मुहुरी हिसाबै खामानि मावदों। भारतआ उदांसी मोन्नायनि सिगां 1946 माइथायनि 'सरासनसा बिसाइख'थियाव आं Independent Candidate हिसाबै contest खालामदोंमोन।"</p>	</p>
<p>	<p>इंराजी 1946 माइथायाव Assam Plains Tribals League नि (उनाव Assam Plains Tribals Sangha) गाहाय नेहाथार आरो आफादगिरि जानानै बिथाडा बेसेबां हाबा मावबोदों बेखौ राइफोर जोबोब्ला जोबोत गोलाव जागोन। बिनि थाखायनो बहाय गोनां बाथ्राखौल' होनाय जानोसै।</p>	</p>
<p>	<p>Assam Plains Tribals League नि General Secretary जानानै बिथाडा आसामनि ट्राइबेलफोरनि हालोदखौ study (अध्ययण) खालामो आरो ट्राइबेलनि जेंनाफोरखौ जोबसां होनायनि राहा नागिरो। Assam Plains Tribals फोरनि जेंनाफोरखौ भारत सरकारनो मोनथि होनो नाजानाइया बिथाडानो सिगां। बेयो 1947 माइथायनि बाथ्रा। बे समाव पण्डित जबाहरलाल नेहेरुवा गेजेर ख'लब सरकारनि दैदेनगिरि। बिथाडा बसुमतारीनि दैदेननायाव Assam Plains Tribals फोरनि बिथिनिफ्राइ दिल्लीयाव थानानै सिबिनां नेहेरुनि आखायाव गांछे Memorendum हैनाय जायो। भारत सरकारनि आखायाव आसामनि Plains Tribals फ्रा</p>	</p>

	हैजेन्नाइ Memorendum आ बेनो। बे Memorendum नि बाथाफोरखौ जेरै दड ' बिबादिनो बहाय दिन्थिनाय जाबाय। (अन्नानै उनावनाय)	
<p>	इंराजी 1949 माइथायावबो बिथाडा Scheduled Area नि थाखाय गांसे Memorendum हैबावयो। बे deputation आव साथाम ट्राइबेल दैदेनगिरि दिल्लीयाव थांदोंमोन। बिथाड मोनहा जादों-सतीश चन्द्र बसुमतारी, डम्बरु शङ्कीया आरो ज'गेन हाजारिका।	</p>

</body></text>

</Doc>